

難經辨真下



圖註八十一難經辨真卷之三

盧國扁鵲 秦越人述

四明靜齋 張世賢註

瀛津微垣 沈鏡重校

三十七難

三十七難曰五藏之氣於何發起通於何許可曉以不然五藏者當上關於九竅也故肺氣通於鼻鼻和則知香臭矣肝氣通於目目和則知黑白矣脾氣通於口口和則知穀味矣心氣通於舌舌和則知五味矣腎氣通於耳耳和則知五音矣三焦之氣通於喉喉和則聲鳴矣

未二句乃潔古所加○五臟在下九竅在上故曰上關九竅上者身之上

也九竅之解諸家皆以陽竅七陰竅二次內為下次外為上謂
之上關九竅獨潔古云耳二目二鼻孔二口一舌一喉一共九
竅也諸家之說皆以舌不為數固為得理殊不知越人之言自
用氣通于目至腎氣通于耳正言五臟上關九竅也若以陽竅
七陰竅二為是本文心氣通于舌舌和則知五味二句無着落
矣若數舌為一竅其得十竅十八九竅不若潔古之言尤為得
理又況不遺本文上關九竅上字抑且親切愚故依潔古之註
而辨諸家之失五味辛甘酸苦鹹也五言宮商角徵羽也

五藏不和則九竅不通六府不和則留結為聚

不和者邪居之也肺氣不和則

鼻不知香臭肝氣不和則目不分白黑脾氣不和則口不知穀
味心氣不和則舌不知五味腎氣不和則耳不聽五音三焦不
和則喉不鳴利六腑為陽而主氣不和則氣不流通停留結聚
而為癰腫矣

邪在六府則陽脉不和陽脉不和則氣留之氣留之則陽脉盛
矣邪在五藏則陰脉不和陰脉不和則血留之血留之則陰脉
盛矣陰氣太盛則陽氣不得相榮故曰格陽太盛則陰氣不得

相榮也故曰關陰陽俱盛不得相榮也故曰關格關格不得盡

其命而死矣

六腑屬陽肌肉上為陽脉邪氣遊于六府則肌肉

氣停留于皮膚而不散邪氣停留陽脉于是而偏盛矣五臟屬陰肌肉下為陰脉邪氣在五臟則肌肉下脉不和陰盛矣五臟偏盛矣格拒也內格則外脉不得入所以偏陰留盛則陽氣不得榮故曰格陽關閉也外關則內脉不得出所以偏陽獨盛則陰氣不得榮故曰關陰七內陽外二者俱盛榮衛否塞氣血不得相濟是為關格夫人之所以生者氣血榮運也氣血既不榮運是以不得盡其命而死也

經言氣獨行於五藏不榮於六腑者何也然夫氣之行如水之

流不得息也故陰脉榮於五藏陽脉榮於六府如環無端莫知

其紀絡而復始而不覆溢人氣內溫於藏府外濡於腠理

夫當

氣之運行者如水之流不舍晝夜故三陰之脉榮于五臟三陽之脉榮於六府氣血之行陰而陽七而陰如環之無端莫知其

盡紀終干肝始于肺既終而又復始覆出諸陰不足陽入乘之
 也陽乘之則謂之覆溢者諸陽不足陰出乘之也又上魚外
 之溢陰陽各安其當則脉無覆溢之患既無覆溢人身之氣
 則藏府溫和外則腠理潤澤腠理者毛孔文路也



三十七難五藏上關九竅圖



九竅者目二
 舌一口一鼻
 孔二耳二喉
 一是也三焦
 雖不係五藏
 之列其原起
 於腎間而出
 入五藏者也

三十八難

三十八難曰藏唯有五府獨有六者何也然所以府有六者謂

三焦也有原氣之別焉主持諸氣有名而無形其經屬于少陽

此外府也故言府有六焉三焦合氣于腎腎為原氣之正三焦為原氣之別三焦主持一身之氣無

狀而空有上中下之名其經屬手之少陽其腑不同各腑之在內而獨在于氣衝之分膈也者內焉五外焉一所以言腑有六也

三十八難五臟六腑圖



三十九難

三十九難曰經言府有五藏有六者何也然六府者止有五府也然五藏亦有六藏者謂腎有兩臟也其左爲腎右爲命門命門者謂精神之所舍也男子以藏精女子以繫胞其氣與腎通故言藏有六也府有六者何也然五藏各一府三焦亦是一府然不屬於五藏故言府有五焉腑五者胆胃大腸小腸膀胱也藏六者肝心脾肺腎命門也命門之氣與腎相通因其相通其府故從膀胱也三焦亦是一腑配合包絡不與五藏相關三焦非正腑所以言府有五也

三十九難五臟六圖



北京中医药大学图书馆版权所有

四十難

四十難曰經言肝主色心主臭脾主味肺主聲腎主液鼻者肺

之候而反知香臭耳者腎之候而反聞聲其意何也然肺者西

方金也金生于巳巳者南方火也火者心心主臭故令鼻知香

臭腎者北方水也水生於申申者西方金也金者肺肺主聲故

令耳聞聲肝木也木之華萼敷布五色故肝主色心火也火之

味肺金也聲出于金故肺主聲腎主水也液皆水屬故腎主液

肺主聲鼻屬干肺不能聽聲而反知香臭腎主液耳屬於腎不

為液而反能聞聲果何如耶蓋由肺屬西方金金長生在巳南

方巳午未巳正火臨官之地火在臟為心心主臭鼻雖屬肺肺

金生于心火之位故令鼻知香臭腎屬北方水水長生在申西

方申酉戌申正金臨官之地金在藏為肺肺主聲耳雖屬腎腎

水主于肺金之位故令耳能聞聲

十四難發明耳聞鼻臭圖



此圖言五行左旋而屬陽者也陰則以培胎之位爲受一而右旋也土則寄王四季於辰戌丑未之月各王二十八日萬物所知所能皆在長生之時不在臨官帝旺之位

四十一難

四十一難曰肝獨有兩葉以何應也然肝者東方木也木者春也萬物之始生其尚幼小意無所親去太陰尚近離太陽不遠猶有兩心故今有兩葉亦應木葉也


萌動之始其形尚幼小而未大初生獨立其意無別物所親水土以資其生所親者惟二物而已自彼至此謂之離自此至彼謂之去太陰脾土也太陽膀胱水也肝之位居于右在脾之下而在膀胱之上脾尤近肝故曰尚近水土異處所以猶有兩心因其兩心故有兩葉亦應木之生也肝凡七葉今云兩葉者左三葉爲一葉右四葉爲一葉也

十四難一有兩葉圖

圖主惟聖

卷之三

七



南京中医药大学图书馆藏

四十二難

四十二難曰人腸胃長短受水穀多少各幾何然胃大一尺五寸徑長二尺六寸橫屈受水穀三斗五升其中常留穀一斗水一斗五升小腸大二寸半徑八分分之少半長三丈二尺受穀二斗四升水六升三合合之大半迴腸大四寸徑一寸半長二丈一尺受穀一斗水七升半廣腸大八寸徑二寸半長二尺八寸受穀九升三合八分合之一故腸胃凡長五丈八尺四寸合受水穀八斗七升六合八分合之一此腸胃長短受水穀之數也

胃會也胃受市諸物會于此腸暢也通暢胃氣去滓穢也迴腸即大腸也因其迴曲以迴爲名廣腸直腸也

肝重四斤四兩左三葉右四葉凡七葉主藏魂

肝幹也體狀有似枝幹故名曰

肝左三右四陰多陽少也魂者隨神往來也

心重十二兩中有七孔三毛盛精汁三合主藏神心任也任萬物而無絨

計十二兩重上智之人有七孔三毛中智之人有七竅無毛愚人心有五竅無毛下智之人有三竅一毛常人心有二竅無毛愚人心有一竅下愚人心有一竅甚小盛精三合兩精相搏謂之神神者精氣所化也

脾重二斤三兩扁廣三寸長五寸有散膏半斤主裹血溫五藏

主藏意脾俾也俾助胃氣主化水穀也有散脂膏半斤主裹血所受穀味分散以溫各藏意者心之所之也

肺重三斤三兩六葉兩耳凡八葉主藏魄肺勃也其氣勃鬱也計三斤三兩重六大大

葉二小葉凡八葉也兩耳即二小葉也並精出入謂之魄魄者精氣之區佐也

腎有兩枚重一斤二兩主藏志腎引也引水氣灌注諸脉也腎有兩枚在腰對于臍左者為腎

右者為命門志者意之所存也

膽在肝之短葉間重三兩三銖盛精汁三合胆敢也有果敢決斷也在于肝之兩

小葉問胆爲清淨之府不受
穢汚之物惟盛精汁三合

胃重二斤十四兩紆曲屈伸長二尺六寸大一尺五寸徑五寸
容穀二斗水一斗五升小腸重二斤十四兩長三丈二尺廣三
寸半徑八分分之少半左廻疊積十六曲容穀二斗四升水六
升三合合之大半大腸重二斤十二兩長二丈一尺廣四寸徑
一寸當臍右廻疊積十六曲盛穀一斗水七升半膀胱重九兩
二銖縱廣九寸盛溺九升九合口廣二寸半唇至齒長九分齒
已後至會厭深三寸半大容五合舌重十兩長七寸廣二寸半
咽門重十兩廣二寸半至胃長一尺六寸喉嚨重十二兩廣二
寸長一尺二寸九節肛門重十二兩大八寸徑二寸大半長二

